

IV GOVERNUN CONSTITUCIONAL

SECRETARIA DE ESTADO DO CONSELHO DE MINISTROS

Informasaun

Orsamentu Jeral Estadu nian ba Tinan 2008 Reforsa Estabilidade Nasional no Prevene krize ekonomia ne'ebé oras ne'e mosu

Dili, 25 Juñu 2008

Despeza hirak foun hosi Orsamentu Jeral Estadu nian ba Tinan 2008, ne'ebé Governu AMP prezenta ba iha Parlamentu Nasional, mosu hosi perspektiva ida konabá politika Governu nian iha tempu oin mai, liu-liu atu harí mekanizmu prevensaun ba krize ekonomia ne'ebé mak oras ne'e mosu no mos atu hakbit tan estabilidade nasional ne'ebé oras ne'e iha ona.

Governu propoen alterasaun Orsamentu 2008 nian hamutuk Tokon 347.7 Dolar Amerika – ne'ebé mak Parlamentu Nasional aprova tiha ona aiha 31 Dezembru 2007 – sae fali ba Tokon 773.8 Dolar Amerika, ne'ebé hatudu katak sa'e ho aumentu osan hamutuk Tokon 425.5 Dolar Amerika, hodi Tokon 240 Dolar Amerika atu uza ba Fundu Estabilizasaun Ekonomia nian.

Fundu Estabilizasaun Ekonomia nian mak nu'udar instrumentu importante ida ne'ebé Governu AMP halo atu bele kaer hasoru ekonomia ne'ebé mak tún iha mundu rai klaran, hanesan krize ai-han no hahan folin sa'e iha mundu tomak no, nune'e atu bele mos kaer hasoru efeitu hirak negativu ne'ebé mak bele mosu iha nivel nasional, bainhira kombustivel no material konstrusaun sivil nia folin sa'e.

Governu iha hela situasaun ida katak nia la presija atu hetan tulun urjente hosi parseiru dezenvolvimentu nian sira bainhira populasaun terus!

Bainhira harí Fundu Estabilizasaun Ekonomia nian mak, Governu Konstitusional da-IV banati duni tuir rekomendasaun hosi Deklarasaun Roma nian konaba Seguransa Ai-han, ne'ebé mak foin lalais hala'o sorumutuk ida iha kapital rai Italia hodi halibur paíz 180 tama tan ho Uniaun Europeia no hola medida hirak ne'ebé hakarak atu Prevene Krize Ekonomia nian ne'ebé oras ne'e mosu daudaun no atu garante Reforsa tan Estabilidade Nasional, ne'ebé mak bele nakdoko fail tandeit krize ekonomia no social ne'ebé boot.

Nune'e mak Reforsu Estabilidade Nasional sai nu'udar preokupasaun boot seluk hosi Governu AMP nian, hodi hetan aumentu iha despeza hirak atu uza ba iha haburas projektu-pilotu hirak ne'ebé hetan susesu, hodi permite atu projektu hirak ne'e la bele para bainhira la iha osan no atu garante populasaun sira bele hetan benefisiu iha tempu ida badak liu fali uluk foun-foun preve tiha ona ne'e.

Projektu pilotu hirak ne'e mak agrikultura – liu-liu atu produz fós -, hadi'a Estrada, liu hosi servisu intensivu (“*cash for work*”) no formasaun profisional. Projektu hirak ne'e hanesan projektu ne'ebé mak la bele para iha dalan klaran no projektu ne'e mos to'o oras ne'e halo komunidade lokal sira hetok hetan kbit ba sira nia ekonomia.

Aumentu hirak seluk sei uza ba atu haburas area hirak esensial, liu-liu iha sektor elektrisidade nian.

Osan ne'ebé mak aumenta tan ba iha Orsamentu Jeral Estadu nian ba tinan 2008 ne'e atu iha tempu oin mai bele aseguira pagamentu ekstraordinairu ida ne'ebé mak hanesan ho salariu fulan ida nian ba funsionáriu Estadu nian sira; ba alterasaun subsidiu hirak ekstraordinairu no hari subsidiu hirak seluk ba membru F-FDTL no PNTL; no hari Fundu ba apoiu ema profisional sira iha sector publiku, inklui ema hirak majistradu, ofisiais hirak superior iha saude nian, ema dosente sira no ema tekniku superior hirak seluk.

Proposta alterasaun ba Orsamentu Jeral Estadu nian ba Tinan 2008 ne'e preve mós aumentu ida iha transferensia hirak publiku nian atu responde ba ema hirak hetan Pensaun tanbá tinan tuan ona; atu selu pensaun ba Kombatente no mártir Libertasauan Nasional sira; fo assistensia ba ema deslokadu sira; assistensia adisional ba petisionariu sira; apoiu ba organizasaun hirak hala'o kompetisaun desportu nian iha rejiaun no nasional; apoiu ba organizasaun hirak fo assistensia ba iha area hirak ho prioridade nian no atu reforsa programa “*cash for work*” nian.

Orsamentu retifikativu permite hari Fundu atu, hosi medida hirak barak-barak, bele hala'o estudu ba primeira faze konabá fonte alternativa hirak konabá enerjia nian no konabá avaliasaun ba nesesidade infraestruturá paiz ne'e nian; programa Piloto ida konabá Formasaun Intensiva ba Professor sira; osan ba sosa ai-moruk no atu fornese servisu ba Hospital sira; osan ba Emabixada hirak ne'ebé oras ne'e iha ona no sei hari tan; mina ba elektrisidade; subsidiu ba operasaun Berlim-Nakroma no formasaun ba ema militari FDTL nian sira iha China, ne'ebé mak atu integra iha hala'o servisu Ró Patrulla nian sira hodi proteje ita nia tasi no prevene tiha-ikan illegal.

Hodi oras ne'e prepara futuru ba ita nia Nasaun, mak alterasaun ba proposta Orsamentu Jeral Estadu nian ba tinan 2008, hakarak garante, hosi buat hirak seluk pagamentu ba dala uluk iha sosa Ró rua Patrulla nian hodi proteje ita nia Tasi; pagamentu ba dala uluk atu hari infra-estruturá ba produsaun no distribuisaun elektrisidade iha paiz nia laran tomak; hadia fali Estrada rural hamutuk 200 Km iha distrito sira; fundu ba faze primeiru konstrusaun kompleksu ida ba resiklajem oleo hirak uza tiha ona; hari Instalasaun Agrikola Rejional no Sentru Manutensaun walu iha distrito sira, hadia sistema irrigasaun no medida apoiu nian sira seluk ba agrikultor sira; uma provizoriu ba Alfandega no Impostu nian sira no projektu atu hari Ponte foun Comoro.

O objektivu atu halao ho efikaz politika hirak Governu Konstitusional da-IV nian propen atu halao, mak Konsellu Ministru aprova tiha ona alterasaun ba Rejime Jeral Aprovizionamentu no Kontratasaun Publika, hodi fenini, buat hirak hanesan, entidade

hirak ne'ebé mak iha kbit atu autoriza ba hahú no hala'o konkorensia ba prosidemtu hirak konabá aprovizionamentu nian.

Governu hanoin katak importante mak atu implementa medida balun konabá desentralizasaun hosi Ministerio Finansas ba fali ministeriu no entidade hirak seluk hodi bele promove prosedimentu konabá aprovizionamentu servisu hirak ne'e nian rasik.

Governu AMP hili tiha ona tinan 2008 hanesan Tinan Reforma nian, hodi prepara Estadu ne'e hamutuk ho ninia Instituisaun sira hasoru dezafiu hirak atu mosu mai.

Alterasaun ba Orsamentu Jeral Estadu nian 2008 ne'e hakarak prepara kedas Nasaun iha oras ne'e ba tempu oin mai.

#HOTU ONA#